

# Visiuns per il turissem èn dumandadas

Crescher cuminaivlamain sur sai or grazia al program da cooperaziun 2014–2021

■ (cc) Il turissem grischun stat actualmain sin pes sauns en quai che concerna las structuradas. Ils acturs en las regiuns èn preparads per la proxima etappa dal svilup turistic dal chantun.

Il nov program da cooperaziun en il turissem grischun 2014–2021 che vegn tractà dal cussegl grond en la sessiun da december prevesa in stausch d'innovaziuns. Projects da realisaziun che pon sa far valair sin il martgà ed atgnas iniziativas tematicas èn dumandadas da tut ils turisticers che vulan crescher cuminaivlamain sur sai or. Per otg onns èn previs tut en tut 21 milliuns francs per la promozion. Da quels surpiglia la confederaziun la mesadad.

Il program da cooperaziun en il turissem grischun 2014–2021 persequite-scha ina clera direziun: Il Grischun duai esser in prototip per champs turistics che duain u vegnir averts ensemen da nov u en ils quals il Grischun sto anc meglierar ses profil. Per las persunas responsablas per il program èsi cler che quai na po betg vegnir fatg solitariamain, mabain mo en cuminanza. Quai ha er mussà l'elavuraziun dal program che ha gù sustegn d'ina vasta basa. Sa basond sin quai ch'è vegnì cuntanschì fin ussa dovri in avanzament consequent da tut quels che vulan far insatge nov en il turissem grischun. Per questas stentas dumonda la regenza dal cussegl grond 21 milliuns francs – 10,5 milliuns da quels sco contribuziuns da la confederaziun (nova politica regiunala) sco er il medem import dal chantun.

## Emprender d'autras branschas

Il program dad 8 onns fa en emprima lingua quint cun l'atgna iniziativa da destinaziuns turisticas e da purtaders da prestaziuns che vulan sa metter ensemen per iniziativas e per cooperaziuns. El appellescha a la voluntad da prestaziun da tut ils acturs che vulan puspè manar il Grischun a la testa en differents champs te-



In turissem grischun segir da sasez sa tge ch'el sa far bain.

matics. Potenzial da meglieraziun datti tant tar ils products sco er tar la moda e maniera co che prestaziuns confurmas al martgà vegnan furnidas. Il princip è simpel, ma tuttina pretensius: Ils acturs dal turissem grischun duain emprender in da l'auter. Quai premetta ch'els sajan pronts da parter las cumpetenzas, la savida e las experientschas. Sco exempel serva la pratica en l'industria, nua che la cooperaziun sistematica da concurrents ed il pensar en process èn gia daditg usitads.

## Cleras reglas da giu per dapli spiert da pionier

Il pled-clav englais ha num «cooperation», ina maschaida da «cooperation» (cooperaziun) e «competition» (concorrenza). El stat per il giu alternant da concorrenza e da cooperaziun sin ils martgads. En quest connex ageschan ils concurrents sco partenaris sch'els sviluppan novas purschidas. Maun en maun vegnan per exempel fatgas analisas e svilupadas strategias fin e cun ils plans per elavurar novs martgads. L'innovaziun n'ha betg lieu en la chombra isolada da

las singulas organizaziuns, mabain en il rom d'in barat tranter spezialists. Las stentas da tut ils acturs duain esser d'unir intelligentamain las forzas e da crear uschia effects da multiplicaziun che gidan la finala il turissem grischun da survegnir dapli perseveranza ed in retgav pli grond. I vegnan definidas cleras reglas da giu e clers criteris co che singulas organizaziuns, cuminanze regiunalas u gruppas da purtaders da prestaziuns pon collavurar e sa participar al program da cooperaziun.

## Dumandà è in manar prospectiv

Ma betg mo a la basa èsi impurtant da far il gist en il dretg ritmus. Quai vala er per il plaun directiv da las organizaziuns turisticas. La lavur da quests gremis da surveglianza duai daventar anc pli professiunala e prospectiva. Dumandadas èn persunas directivas che sviluppan ina visiun tant per lur destinaziun sco er per aspects turistics da tut il chantun. Ultra da quai prevesa il nov program da promozion in cussegl turistic sco gremi cussegliant. Da quel duain er far part experts che accumpognan activamain las inizia-

tivas da svilup en il chantun. Er qua è la devisa: La perspectiva externa procura per dapli chapientscha.

## Il turissem pertutga tuts – il consentiment è avant maun

In turissem grischun segir da sasez sa tge ch'el sa far bain. E questas fermezzas vegnan purtadas da tuts en il chantun. L'entusiassem per il turissem cumenza baud – ed il spiert da pionier vegn a flurir là nua ch'i gartegia a mussar il niz per tut l'economia publica dal Grischun. En quest connex vegn il chantun ad avair la funcziun d'in battavia e d'in scharnier per ils participants dal martgà. Ils rappresentants ils pli impurtants da las branschas èn tuts da l'avis che quest agir cuminaivl saja stringent e che la chapientscha per il turissem stoppia vegnir rinforzada. Betg mo organizaziuns turisticas, mabain er la Viafier retica, hotellerieuisse Grischun, las Telefericas dal Grischun e Grischun Vacanze han gia sottoscrit ina declaranza da consentiment. Cun quella demussan els lur prontezza da s'engaschar cuminaivlamain per la realisaziun da quest program.